

"AGENCIJA ZA VODNO PODRUČJE RIJEKE SAVE"
S A R A J E V O

Broj: 50-368-1/22

Datum, 22.03.2022. godine

Na osnovu člana 21. a Zakona o zaštiti ličnih/osobnih podataka („Sl. glasnik BiH“ broj: 49/06, 76/11 i 89/11) i na osnovu člana 47. Statuta Agencije za vodno područje rijeke Save Sarajevo, direktor „Agencije za vodno područje rijeke Save“ Sarajevo, d o n o s i

O D L U K U

o pravilima obrade ličnih podataka putem video nadzora
u službenim prostorijama Agencije za vodno područje rijeke Save Sarajevo

Član 1.

Odlukom o pravilima obrade ličnih podataka putem video nadzora u službenim prostorijama „Agencije za vodno područje rijeke Save“ Sarajevo (u daljnjem tekstu: Odluka) regulišu se pravila obrade, korištenje podataka i opseg ličnih podataka putem video nadzora u službenim prostorijama „Agencije za vodno područje rijeke Save“ Sarajevo (u daljem tekstu: Agencija) s ciljem poštivanja prava na zaštitu privatnosti i ličnog života nosioca podataka.

Član 2.

Svrha uspostavljanja sistema videonadzora u službenim prostorijama Agencije jeste:

- povećanje lične sigurnosti uposlenika i imovinska zaštita uposlenika u službenim prostorijama Agencije,
- povećanje sigurnosti opreme u službenim prostorijama Agencije,
- povećanje sigurnosti svih lica koja dolaze u službene prostorije Agencije,
- povećanje sigurnosti uposlenika Agencije koji rade van redovnog radnog vremena (noćni rad, vikendi, neradni dani i dr.).

Član 3.

Sistem video nadzora u službenim prostorijama (opseg podataka) Agencije obuhvata:

- a) unutarne kamere
- b) monitor za praćenje u realnom vremenu
- c) uređaj za snimanje i pohranu videozapisa u trajanju od maksimalno 30 dana.

Vrsta podataka koji se prikupljaju i pohranjuju je video zapis sa datumom i vremenom

dešavanja.

Agencija će snimke nastale korištenjem aplikacije za video nadzor pohranjivati na snimaču, obrađivati i koristiti u skladu sa Zakonom o zaštiti ličnih podataka kao i propisima koji regulišu oblast zaštite ličnih podataka.

Nastale snimke se mogu kopirati ili drugačije elektronski obrađivati zbog dokazivanja krađe, oštećenja imovine, ugrožavanja zdravlja i sigurnosti radnika Agencije ili trećih lica unutar Agencije.

Član 4.

Unutarne kamere (ukupno 8 kamera) su raspoređene u službenim prostorijama Agencije po dvije na VI, VII, VIII i IX spratu.

- na VI spratu su instalirane dvije kamere, jedna kamera je instalirana iznad ulaznih vrata sa stepeništa prema holu, a druga kamera je instalirana neposredno iznad ulaza u liftove. Kamere su usmjerene i drže se u položaju koji onemogućava nadzor ulaznih vrata kancelarija.
- na VII spratu su instalirane dvije kamere, jedna kamera je instalirana iznad ulaznih vrata sa stepeništa prema holu, a druga kamera je instalirana neposredno iznad ulaza u liftove. Kamere su usmjerene i drže se u položaju koji onemogućava nadzor ulaznih vrata kancelarija, sem kancelarije 710 koja je Informacioni centar i za koju je ukazana potreba jače kontrole ulaska ljudi u kancelariju. Svi radnici čije je radno mjesto u Infarmacionom centru voda su dali Izjavu o saglasnosti video nadzora na ulaz u kancelariju.
- na VIII spratu su instalirane dvije kamere, jedna kamera je instalirana iznad ulaznih vrata sa stepeništa prema holu, a druga kamera je instalirana neposredno iznad ulaza u liftove. Kamere su usmjerene i drže se u položaju koji onemogućava nadzor ulaznih vrata kancelarija.
- na IX spratu su instalirane dvije kamere, jedna kamera je instalirana iznad ulaznih vrata sa stepeništa prema holu, a druga kamera je instalirana neposredno iznad ulaza u liftove. Kamere su usmjerene i drže se u položaju koji onemogućava nadzor ulaznih vrata kancelarija.

Član 5.

Radnici Agencije kao i sva lica koja dolaze u prostorije Agencije, bit će obavještena o vršenju video nadzora na taj način da je obavještenje vidljivo svim osobama koje koriste prostorije Agencije. Na ulazu na svaki od spratova Agencije, koji su pokriveni video nadzorom iz člana 4. stoji istaknuto obavještenje na kojem je jasno vidljiv natpis "STOP - OBJEKAT JE POD VIDEO NADZOROM I ALARMOM". Obavještenje sadrži i podatke o kontaktu putem kojeg se mogu dobiti pojedinosti o video nadzoru.

Član 6.

Monitor i uređaj za snimanje, obradu i pohranu podataka se nalaze u server sali na 6.spratu (soba br. 604). Ova server sala je posebna i zaključana prostorija.

Glavni vršitelj nadzora i rukovodioc sistema video nadzora je Direktor Agencije.

Pristup uređaju za snimanje i nastalim snimcima, pored direktora Agencije ima i Rukovodilac odjeljenja za informacioni sistem voda Hajrudin Mičivoda, dipl.inž.maš.

Član 7.

- a) Kontrolor sistema video nadzora jeste direktor Agencije kao odgovorno lice.
- b) Kontrolor je odgovorno lice koje ima pristup sistemu video nadzora u realnom vremenu i arhivi video nadzora, te može slobodno da pristupa podacima i obrađuje podatke video nadzora u skladu sa Članom 21.a Zakona o zaštiti ličnih/osobnih podataka Bosne i Hercegovine.
- c) Snimljeni materijal se ne može koristiti niti u jednu drugu svrhu osim za potrebe povećane zaštite uposlenika i imovine.

Član 8.

U incidentnim situacijama pristup snimljenim podacima može se dati i ovlaštenim policijskim agencijama i ovlaštenim predstavnicima ministarstva unutrašnjih poslova BiH, uz predočenje validnog naloga.

Da bi se video zapis dao policiji na uvid potrebno je da su ispunjeni sljedeći uslovi:

- a) Da se desila incidentna situacija vezana za ugrožavanje sigurnosti imovine ili zdravlja ljudi,
- b) Da je nadležni policijski organ podnio pismeni zahtjev za omogućavanje pristupa video zapisima sa jasno određenim vremenskim razdobljem za koji traži pristup video zapisima,
- c) Da u arhivi snimljenog materijala postoji video snimak u traženom vremenskom razdoblju.

Član 9.

U skladu sa Članom 21.a Zakona o zaštiti ličnih/osobnih podataka Bosne i Hercegovine obezbjeđuje se zaštita i obrada ličnih/osobnih podataka prikupljenih putem video nadzora:

- a) Snimci pohranjeni putem videonadzora na osnovu kojih se može identificirati nosilac podataka predstavljaju zbirku ličnih/osobnih podataka.
- b) Kontrolor je donio odluku u okviru koje je odredio pravila obrade s ciljem poštivanja prava na zaštitu privatnosti i ličnog života nosioca podataka,
- c) Kontrolor će na vidnom mjestu istaći obavještenje o vršenju video nadzora i kontakt putem kojeg se mogu dobiti pojedinosti o videonadzoru.
- d) Tehnička zaštita ličnih/osobnih podataka je osigurana na način da se uređaj za pohranu video zapisa nalazi u zaključanoj serverskoj prostoriji a ključ od iste se nalazi samo kod Rukovodioca odjeljenja za informacioni sistem voda.
- e) Direktor, kao ni bilo koja druga osoba, ne smije koristiti podatke o osobama

prikupljene sistemom video nadzora službenih prostorija Agencije izvan njihove zakonske namjene, a raspolaganje snimkama dopušteno je samo direktoru Agencije.
f) Brisanje video zapisa sa uređaja za pohranu se vrši automatski, programirano brisanje svakih 30 dana.

Član 10.

Evidencija nad zbirkom ličnih/osobnih podataka u smislu tehničke izvedbe sistema video nadzora (arhivski videozapisi) definirani su Članom 13. Zakona o zaštiti ličnih/osobnih podataka Bosne i Hercegovine.

Evidencija nad zbirkom ličnih/osobnih podataka nalazi se kod direktora Agencije (kontrolora sistema video nadzora) pod nazivom „Sistem video nadzora u službenim prostorijama Agencije - obrada podataka" u elektronskoj i printanoj formi.

Evidencija iz stava 2 ovoga Člana sadrži obrađene lične/osobne podatke koje kontrolor procjeni da bi mogli biti od značaja u skladu sa Članom 3. ove Odluke.

Član 11.

Odluka podrazumjeva poštivanje Člana 30. Zakona o radu Federacije Bosne i Hercegovine, koji se odnosi na postupanje sa ličnim /osobnim podacima radnika.

Član 12.

Ova Odluka stupa na snagu osmog dana od dana objave na oglasnoj ploči Agencije.

Član 13.

Za tumačenje odredbi ove Odluke nadležan je Direktor Agencije.

Član 14.

Javnost se upoznaje sa sadržajem ove Odluke putem službene web stranice Agencije. Odluka o pravilima obrade ličnih podataka putem video nadzora u službenim prostorijama Agencije za vodno područje rijeke Save Sarajevo bit će objavljen na oglasnoj ploči Agencije.


DIREKTOR
Sejad Dedić, dipl.inž.